



GRIJANJE

Javno preduzeće "Grijanje" d.o.o. Zenica, Bilimšće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 70., 71. i 72. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24, u daljem tekstu: Zakon), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke, broj: 9011/26 od 14.09.2026. godine, Uprava Javnog preduzeća „Grijanje“ d.o.o. Zenica, donosi:

O D L U K U **o izboru najpovoljnijeg ponuđača**

I.

ELCOM d.o.o. Tuzla, M. M. Dizdara, Stupine B2, 75000 Tuzla, bira se za najpovoljnijeg ponuđača u postupku nabavke roba – Električna oprema i aparati putem otvorenog postupka, obavještenje o nabavci sa portala javnih nabavki broj: 1091-1-1-145-3-31/26 od 10.08.2026. godine odnosno ispravka za obavještenje o nabavci broj: 1091-1-1-145-8-37/26 od 31.08.2026. godine.

II

Odabranom ponuđaču bit će ponuđen Okvirni sporazum o nabavci roba – Električna oprema i aparati, a nakon isteka roka od **15 (petnaest) dana** od dana prijema ove odluke.

III

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Ugovorni organ je dana 06.08.2026. godine donio Odluku o pokretanju postupka nabavke roba – Električna oprema i aparati putem otvorenog postupka, procijenjene vrijednosti 250.000,00 KM, broj: 7899/26. Dana 10.08.2026. godine ugovorni organ sačinio je tendersku dokumentaciju broj: 7996/26, koju je objavio na portalu javnih nabavki, obavještenje o nabavci broj: 1091-1-1-145-3-31/26 od 10.08.2026. godine. Ugovorni organ je dana 21.08.2026. godine izvršio izmjenu tenderske dokumentacije, o čemu je ponuđače obavijestio putem portala javnih nabavki.

Dana 20.08.2026. godine, blagovremeno, žalitelj - ponuđač „Nexen“ d.o.o. Banja Luka, zastupan po punomoćniku Mandić Borisu, advokatu iz Istočnog Sarajeva poslao je ugovornom organu putem preporučene pošte žalbu na tendersku dokumentaciju. Ugovorni organ je predmetnu žalbu na protokol preduzeća zaprimio dana 24.08.2026. godine. Dana 26.08.2026. godine putem emaila žalitelj je dostavio podnesak – Obavijest o odustanku od žalbe, u kojem navodi da odustaje od izjavljene žalbe na tendersku dokumentaciju te moli za povrat uplaćene naknade za pokretanje žalbenog postupka u iznosu od 3.000,00 KM. Navedenu dokumentaciju sa izjašnjenjem, ugovorni organ dostavio je blagovremeno Uredu za razmatranje žalbi Bosne i Hercegovine na odlučivanje o povratu nakande za pokretanje žalbenog postupka.

Budući da je žalitelj odustao od izjavljene žalbe prije nego je ugovorni organ odlučio o istoj u zakonom predviđenom roku od 5 (pet) dana o zaprimanja žalbe, po sili zakona prestalo je suspenzivno dejstvo žalbe. Ugovorni organ je nastavio postupak i na portalu javnih nabavki dana 31.08.2026. godine produžio rok za prijem i otvaranje ponuda za dan 09.09.2026. godine, ispravka za obavještenje o nabavci broj: 1091-1-1-145-8-37/26 od 31.08.2026. godine. Također, ugovorni organ je istog dana izvršio ispravku tenderske dokumentacije koja nije u znatnoj mjeri utjecala na pripremu ponuda i koja nije zahtijevala produžavanje roka za prijem odnosno otvaranje ponuda duže od 10 dana, koliko je već produžio.

Na osnovu tenderske dokumentacije objavljene na portalu javnih nabavki, ponudu je dostavio jedan ponuđač i to:

- **ELCOM d.o.o. Tuzla, M. M. Dizdara, Stupine B2, 75000 Tuzla** sa ponuđenom cijenom od 250.000,00 KM

bez PDV-a.

U toku pregleda i ocjene pristigle ponude, provjerom dostavljene dokumentacije u skladu sa uslovima tenderske dokumentacije, Komisija ugovornog organa je ocijenila da je ponuda ponuđača ELCOM d.o.o. Tuzla prihvatljiva.

Tenderskom dokumentacijom je predviđeno provođenje e-aukcije. U skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“ broj 80/23) e-aukcija nije zakazana, jer je primljena samo jedna prihvatljiva ponuda, te se postupak okončava u skladu sa članom 69. stav (1) tačka a) Zakona.

Shodno naprijed navedenom, Komisija za nabavke dala je preporuku ugovornom organu da u smislu člana 69. stav (1) tačka a), te člana 70. stav (3) Zakona može donijeti Odluku o izboru ponuđača ELCOM d.o.o. Tuzla kao najpovoljnijeg za predmetnu nabavku, te da odabranom ponuđaču ponudi zaključenje Okvirnog sporazuma – Električna oprema i aparati.

Shodno naprijed navedenom, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.



Direktor

Muhammed Pašalić, Mr.dipl.ing.el.

Broj: 9012/26

Datum: 14.09.2026. godine

DOSTAVITI:

1 x Ponuđač – preporučeno poštom s povratnicom

1 x Uprava preduzeća

1 x Odjeljenje za kadrovske i opšte poslove